

驗方新編卷十五目錄

中暑論

中暑論

中暑諸方

夏天道路受熱昏倒

傷暑出丹

夏月身冷畏寒

痧症

各項痧症

痧症諸方

霍亂

霍亂症

霍亂諸方

霍亂腹痛兩腿轉筋

霍亂轉筋入腹

霍亂煩渴

瘧疾

瘧疾須知

瘧疾三方

三陰瘧

隔日瘧

三日瘧

久瘧不愈

二三日瘧年久不愈

久瘧虛極

隔年瘧

三十年瘧

久瘧成痞

小兒久瘧不愈

黃疸

五種黃疸

發黃欲死不省人事

黃疸吐血

胸滿腹脹黃腫

瘟疫

瘟疫症

瘟疫諸方

瘟疫心腹疼痛

羊毛瘟

大頭瘟

辟瘟諸方

蠱毒

中蠱論脉

生蛇蠱

陰蛇蠱

浸笋水法

癩蠱

腫蠱

疔蠱

變疔論

馬方采新
中疳既變疔後食品

中疳既變疔後葯方

中害神

泥鰕蠱

石頭蠱

篾片蠱

金蠶蠱

中疳中蛇中腫中癩諸方

老人中蛇蠱方

通治蠱毒

辟蠱毒法

烟瘴

解烟瘴毒

辟烟瘴法

驗方新編卷之十五

中暑

與痧症霍亂名門叅看

中暑論

中暑者靜而得之如避暑深堂大廈爲陰寒所遏暑不得越故也外症見身熱頭痛煩躁不安或咳嗽發熱汗出不止然必熱有進退脇下有汗方爲傷暑若久熱不止脇下無汗便是夏月傷寒症雖少見不可不詳辨而妄投湯藥也又腹痛嘔瀉爲冒暑宜涼解清利四肢困倦不思飲食爲熱傷元氣宜補忽然昏仆不省人事爲暑風宜清涼而加風經藥不可概從中暑治也

馬刀家錄 卷一 三

中暑諸方

蒜頭

二顆研爛

取路上熱土

日晒熱處淨土若汚泥不可用

攪新汲井水

勻

服一碗甚效

又黑芝麻

炒

井水搗汁灌下即愈

又扁

豆葉搗汁飲亦效

又方

六一散益元散

見內外備用諸方

均

妙

夏天道路受熱忽然昏倒

名中熱

又名中喝

切不可誤用冷水噴灌一受寒冷則不可救

急用稻草結爲長帶曲盤肚臍外用熱土搓碎圍之使人

痾尿其中令溫氣入腹久之自愈

又方

草紙捲成筒點火向口鼻間熏之即活其效如神

又方 用布蘸滾水更換熨之熨臍與臍下三寸爲要醒
後仍忌飲冷水飲之復死 又方 皂角燒存性生甘草各壹錢
共爲末溫水調灌 又方 白礬末陰陽水調服一錢
卽醒神效

傷暑出丹

凡暑月身熱昏沉未明症候恐是出丹用 生白扁豆數
粒食之如不知腥味則以生白扁豆水泡濕研汁一小杯
調水一盞服之卽愈

夏月身冷畏寒

有人夏月身冷畏寒身益重被尙發抖戰一醫欲作傷寒

治之一醫以爲不可云是中暑用清暑益氣湯

見內外備用諸方

調理而愈

痧症 與霍亂症參看

各項痧症

痧症有陰痧陽痧烏痧斑痧絞腸等症初起多半腹痛亦有並不痛只覺昏沉脹悶者切忌服姜急用南蛇藤草藥名煎水兌酒服之立可起死回生最為神效若或吐或瀉者名霍亂症用之亦效仍照後霍亂門各方治之

痧症諸方

刮痧法 擇一光滑細口磁碗另用熱水一鍾入香油一二匙將碗口蘸油水令其煖而且滑兩手覆執其碗於病人背心上輕輕向下順刮切忌倒刮以漸加重碗乾則再蘸再

刮良久覺胸中脹滯下行始能出聲頃之腹中大響大瀉如注其痛遂減睡後通身搔癢或發出疙瘩遍身而愈今有於頸臂刮痧者亦能治病然五臟之系咸附於背向下刮之邪氣隨降故毒深病重者非刮背不可也此爲痧症起死回生簡便良方最靈最穩

又方 刺少商穴委中穴二處其法見霍亂門

又方 以食塩一握揉擦兩手腕兩脇兩足心並心窩背心入處擦出許多紫紅點漸覺鬆快而愈一切痧脹及中暑霍亂等症雖垂死亦活此第一簡便良方也

又方 嫩車前七片揉軟塞鼻孔內男左女右

又方 用紅紙捻看身上如有紅斑紅點名斑痧卽用灯火在斑點上燒之務將斑點燒盡以免復發或用食塩二斤炒熱用青布裹作二包在胸腹及背上熨之冷則隨換

此法最妙再用蕎麥

五錢

煎服惟藿香正氣丸斷不可服

別項痧症可服

以內有陳皮紫蘇甘草半夏等葯爲斑痧所忌也

又方 生白礬爲末每服一錢不拘男婦用陰陽水調下各項痧症及受暑昏暈不省人事者服之立可回生此物能升清降濁故奏效如神存心濟人者宜佩帶身旁或路道或深夜可當仙丹

又方

急取生芋頭

又名芋芳

食之如非痧則生澁難食若是

痧則食之味美連食二個卽愈屢試神效尋常腹痛食之亦效

又方

藿香正氣散

見內外備用諸方

服之穩而且效惟斑痧症

萬不可服

霍亂

霍亂症

上吐下瀉者是無論冬夏皆有又有吐而不瀉瀉而不吐者亦是又有吐瀉不出者名乾霍亂治不得法皆不可救凡遇此症斷不可與飯食卽米湯亦不可飲並忌食姜入口卽不救須俟愈後平定久久方可進食些少亦不宜多

霍亂諸方

食塩

壹撮

放刀口上燒紅以陰陽水一鍾冲服

半滾水半冷水名陰

陽水服後腹痛漸止再服藿香正氣散

見內外備用諸方

全愈

又方 陳皮

藿香

各五錢

黃土澄水二鍾煎服雖垂死立

生

又方

炒鹽填臍內用艾放鹽上燒之以燒至止痛

病醒爲度已死而心頭微溫者亦可活也

又方

細看病人背上如有黑點用針一一挑破出血卽

愈若遲一日則不能救矣

又方

用鋒利磁碎片刺少商穴委中穴二處使出血卽

愈百發百中少商穴在

兩

指甲之兩旁與出指甲之處相

齊只離指甲兩旁邊各一韭葉寬是也先從手臂膊上揉

至指間使血氣下行方刺

委中穴在腿

灣先用手蘸溫水拍打出紫紅紋是也從紫紅紋上刺

之

又方 白礬末陰陽水調服一二錢神效此華陀方也

又方 楓樹皮煎濃湯代茶飲其效如神

又方 樟木 舊杉木 舊鉄釘 掃帚梗 車繩如無用亂

麻亦可 灶心土 蘇葉各等分加塩一撮炒焦冲水一大碗

煎濃當茶飲吐瀉立止有起死回生之功方名七星茶或用樟木一味煎濃汁飲之亦止吐瀉而愈更為簡便神效

又方 藿香 蘇梗各叁錢 煎服吐嘔立止屢試如神

又方 嘔吐難以進葯者加真川椒末兌入葯內一滴一口緩緩服之自能平愈或飲烏梅水少許然後服葯皆極

神效

霍亂腹痛兩腿轉筋

藿香

蒼朮

柴胡

羌活

各貳錢

澤瀉

木通

各壹錢

神曲

陳茶葉

各叁錢

老葱連根兩條水煎服此四川呂祖廟內

碑刻神方輕者服一二劑至重四劑全愈活人無算屢試

如神

又方

男子以手挽其陽物向上女子以手牽其

乳向兩旁卽愈甚效

又方

芥菜子研細末填臍內立效如神

又方

熱醋煮青布抹之或用布蘸極滾水抹之冷則隨

換

又方

大蒜頭搗爛敷兩足心立愈